

استدینا

نومرو ۲۴

بخشیه

۲۶ شباط ۱۳۲۴

دیگر بر قرار یله مساعرهٔ بیان ایله مکده در . بو قرارده مختلف پوسته مقاولاتی
تدقیقه حکومتلر دعوت ایلمکده و پریم اصولیله اجنبی مملکتلرده حصوله کان
ترقیات کوسترلمکده در .

اصول حمایه تجارتدن وسیر سفائندن مالییه سرایت وتوسع ایدر . اوسترالیا
حکومتی مستملکات استقراضاتی تحویلاتنه مطروح پول رسمنک مرکز حکومت
طرفندن تنزیلی و اجنبی حکومتلری تحویلاتندن آلمان رسمنک ده خفیف
طوتلمسی ارز و ایدر . مستملکات کثرتله استقراض عقد ایدر لر . سیر (ادموند
بارتون) . نظرأ بوامتیاز مالی ، مستملکاتنک مرکز حکومت تجارتنه بخش ایتدکاری
مساعدا تنک مقابلی اولمش اولور .

امتیازات رسومیه و مالییه ، سیر سفائتنک احیاسی ، والحاصل تام بر اصول حمایه
و اصول حمایه ایله برابر رفیق غیر مفارقی اولان étatisme — که حکومت طرفندن
یکی تلغراف قابلوری تأسیسی حقنده کی تکلیف ایله قوفه رانسنده ظهور ایتمشدی —
ایشته مستملکات امپریالیزمنک (لسه فر — لسه پسه) وادیسند یاشاق ایسته دکاری
شی . ایشته ۱۹۰۲ سنه سی مستملکات قوفه رانسنک استحصال ایلدی یکی نتایجک
توسع و تمادیسنی استرسه انکلترونک حلقه مجبور اولدینی مسئله !

عینی زاده

۷ شباط ۳۲۴

حسن تحسین

اجمال داخلی

مانیاسی زاده رفیق بک مرحوم — فرقه منازعه لری — غزته لرنز — یکی بر فرقه —
منحل استانبول مبعوثلغی — مجلسده ایلاک تنسیقات لایحه سی — قدس شریف بطریق قلکی —
قیصری حادثه سی — بصره احوالی .

در سعادت : ۲۵ شباط ۱۳۲۴

وطننک ، ملتنک ، مملکتنک سلامت و سعادتنه بتون حیاتی وقف ایلمش
و او یولده فدای جانی کندینه وظیفه ایدنمش اولان مجاهد حریت مانیاسی زاده

رفیق بك وطن معزینہ دها بك چوق خدمت ایدہ بیلہ جك برسندہ ایكن دست بی امان اجلك بك وقتسز ایریشمسیلہ دوچار اولدینی مرض مدہشدن رهایاب اوله میہ رق كچن جمہ کیجہ سی بو عالم فانی بہ ابدیاً وداع وبتون امت عثمانیہ بی غریق یأس وملال ایلدی . وطنی دوشمش اولدینی کریوہ اضمحلال واستبداددن قورتارمغہ بتون قوتیلہ حصر ایش اولدینی ذاتاً تخیف بولنان اومبارك ومقدس وجودی سنہ لرحہ سورن آلام روحیہ طیانہ مدی . فقط بوخصوصہ صرف ایلدیکی غیرت ومساعی جانسپارانہك ثمرہ موفقیتی کورہ رك، وطنہ خدمت ایتدیكنہ قلباً اطمینان نام حاصل ایدرك بتون ملتك، وطنداشلیكك تقدیر وتجلیلری آرسندہ خالقنہ قاووشدی، شهید حریت عنوان مبعجلتی بحق احراز ایتدی . قحظ رجالك بتون مناسیلہ حکمفرما اولدینی شو زوالی مملکت ایسہ بك قیمتدار بروجد دها غائب ایلدی .

جنازہ مراسمك اجرا ایلدیکی جمہ ایرتسی کونی شهرمك درت طرفندن آقین اقین سرکه جی بہ شتاب ایدن ، كوچك بیوك بالجلہ خلقمزك چهرہ لرندہ کی آثار تأثر مرحومك قلوب امتدہ احراز ایلدیکی تقدیر ومحبته بك جلی بردیلدر . وجود معزز ومحرمنی محتوی اولوب اتحاد وترقی جمعیتك پیراغنه صارلمش اولان تابوت احبا وادواسنك ، بتون ملتك دست تکریمی اوزرندہ قاضی کوبندہ کی خانہ سندن قالدیریلہ رق استمبوطلہ سرکه جی بہ کتیرلدی، واورادہ ورودینہ منتظر بولنان بالعموم نظار واعیان ومبعوثان اعضالریلہ مكاتب ملیکیه وعسکرہ طلبہ سی وعساكر عثمانیہ طرفندن تعقیب ایلدیکی حالہ قوغه جیلر قریستانندہ کی خوابگاه ابدیسنہ تودیع ایلدی . مرحومك استحصال حریت اوغرندہ کی خدمات فدا کارانہ سنك تفصیلاتی ایلرودہ نشر اولنہ حق تاریخ انقلابمزہ تركایلہ الی الابد خاطرہ امتدہ پایدار اولہ جق اولان شهید حریت مانیاسی زادہ عنوان مبعجلت و ارث نجیبی بولنان فریدون بك برادر مزله سائر افراد عالہ محترمه سنہ اشکبار تأثر اولدیفمز حالہ - وظیفہ تعزیتی ایفا ایلرز .

•• بو هفته ظرفندہ شهر مزندہ نشر اولنان غزتلری الہ آلان ارباب عقل

واذعان بر جدال مدعش قارشو سنده بولنه رق مېوټ و حيران قالدی. الهی !
استانبول بر معرکه هول انکیز اعتراض اولمش ؛ هانکی غزته اله آنسه هدف
هجوم اتخاذ ایلدیکی شخصه، غزته به، فرقه به صاعقه لر یاغدر دینی کورلمکده !
عقول سلیمه اربابی بوحاک تمانیسی استقبال مملکت، منافع حقیقه ملت ایچون
پک مضر اوله جفنی تقدیر ایدرک بحق اندیشه به دوچار اولمده . . . مهر فیاض
مشروطیتک انقلاق وسر اسق مطبوعاتک تجلی ایلیمسندن بو آنه قدر سکر آی
مرور ایتدی . جرائد یومیه من بویه بر نعمت غیر مترقبه دن بالاستفاده منافع
حقیقه مملکته خادم اوله جق ، بلا تفریق جنس ومذهب کافه اهالی مملکتک ؛
بالعموم عناصر عثمانیه نک وفاقی واتحادینی تأمین، اذھاتی تنویر ایده جک مقالات
درجی خصوصنده یکدیگر لری نه رقابت ایده جک یرده مملکتی وآنی ترکیب ایلان
عناصری ورطه اضمحلاله سوق ایدور ؛ بین الاهالی تخم نفاق وشقاقی القوا والاحاصل
افکار عمومی بی تسمیم ایلیه جک بر طاقم مقاله لر نشر ایلدور لر ؛ دوشونم یور لر که
دور سابق مظالمک زیر قهر نده زبون وبی مجال قالان مغدور وطندا شلر من بوسفرده
قربان اغراض اولور ایسه پک یازیق اولور، کناه اولور. حصوله کتیر دیکمز
حقیقه عاقلانه وشانلی بر انقلاب ایله یارک دکل اغیارک بیله قزانش اولدیغمز
توجه وتقدير آتی؛ اسبابی هیچدن اوت بر هیچدن دها طوغریسی بر سوء تفهمدن
عبارت مناقشه لرله، منافسه لرله غیب ایتمکدن بیلیم نه قزانیرز. غزته لر افکار
ملکت معکس تابداریدر ؛ بزم غزته لر من ایسه بوشرفی چوقدن غائب ایلیمشدر.
زیرا صابمش اولدقلری شوکر یوده دن، باعث نفاق اولان شوطریق ناهمواری
تعقیددن امین اولسونلر که بتون افراد ملت متفرددر . غزته جیلر من شو حرکت
غیر معقوله لری نتیجه سی اوله رق منافع مقدسه وطنیه بی دخی برخفیه فایه
طوغری سوق ایلیمکده اولدقلری بی بیلیم نه دن درکه کور میور لر ! امین اولسونلر که
کندی لری نک شو حرکت لری فی القشایانلر ، بیلیمه رک ملکتک ، مملکتک آتیسنی
تهلکیه القا ایدیجی تشبث لری نه کولنر، سونلر ؛ بوحالره نظر تلهف ایله
نکه انداز تأثر اولانلردن زیاده در. شوجدالک نتیجه سنده پارتی بی غائب ایلیه جک

هیچ شبهه یوقدرکه یینه او بر ایکی غزنه جیلر مزله برلنکده عموم افراد ملتدر .
اعلان مشروطیت متعاقب اوروباده یوزلرجه سنه تجر به لردن صکره تأسس
ایدن فرقه لری تشکیل وتقلید ایتمک هوسی بزدهده او یاندی . بوکا بناء عینی پروغرام
ایله عینی مقصده . بره دفعه متعدد یوللردن کیتمک دن عبارت اولان برطاق فرقه لری
یالان یا کلش تأسیس ایتمک استدک . وضعیت سیاسییه مزى تمامیت ملیکیه مزى ،
استقلالیت ملییه مزى تحکیم ایچون عناصر مختلفه آره سنده برالفیت جامعه تأسیسی
ارزو ایتمک . بو بولده کویا چالشدق . فقط نه یابدق ؟ هیچ ! . بلکه کندی عنصر
ملیمز ده تشکیث ایتمک . هیمز عقلمزه ، علم وعرفانمزه ، طلاق لسانیه مزه ،
قوة قلمیه مزه مفتون وفریفته اولدق . حالبوکه نتیجه ده هیچ برخدمت ایده مدک .
زیاندن بشقه برشی کورمدک . زیرا اغراض شخصیه یی بردرلو برطرف ایده مدک .
بویاسه ملت آره سنه تفرقه ونفاق تخمی اککدر ، الکیوک اهاندر . آنک ایچون
پارتی منازعه لرنی آرتق ترک ایدرک مشروطیتمزه تمل آتم ، وبویولده صاعلام
بر بنا وجوده کتیرمک ایچون الزم بولسان حقائق علمییه وفنون متنوعه ایله
غزنه لرمزى تزین وجهالتزى ازاله یه مدار اوله جق معلومات جدیدیه یی اککتابه
جهد وغیرت ایده لم . تاکه نتیجه ده شمدی بزده نظر استخفاف ایله باقان دشمنلر مزه
ینه بزکوله لم ؟ . .



استخبارات اخیر مزه نظراً اتحاد وترقی فرقه سیله فرقه احرارک پروغراملری
آره سنده کی اوافق تفک بعض فرقلرک ازاله سیله هر ایکسینک تالیف وتوحیدی
ایچون مذاکرات جریان ایتمکده در . دیگر طرفدن مجلس مبعوثانده (فرقه مظاهره)
نامیه درسم مبعوثی لطفی فکری بکلک تحت ریاستنده شمیدلک یکرمی مبعوثدن
مرکب دیگر برفرقه تشکل ایتمش . بو فرقه نک مسلسکی موجود اولان سیاسی
فرقه لر آره سنده موضوع بحث اوله جق خصوصات ومسائلده هانکی طرفک رآی
واجتهادی منافع ملک ودولته موافق کوریلور ایسه اوفرقه یه مظاهرت ومعاونت
ایده مکدن عبارت اوله جمش .

رفیق بك مرحومك ارنحالی استانبول مبعوثلری آره سنده بر مقامك
 انحلافی موجب اولدی. شمدی مجلس مبعوثان منحل اولان استانبول مبعوثلغنه
 بردیكرينك انتخابی لزومی مبین بر مضبطه یا بهرق صدارته کیفیتی بیلدیره جك
 واورادن ده شهر امانته اشعار کیفیت اولنه جقدر ، فقط كرك قانون اساسیمزده
 و كرك انتخاب مبعوثان نظامنامه سنده یكی مبعوثك صورت انتخابی حقنده صراحت
 كافیه بولمديغندن بوابدهده برخیل تفسیراته میدان آچیله جقدر . معلومدر كه
 قانون اساسینك تفسیری مجلس اعیانه وقوانین ملكیه دن اولان انتخاب مبعوثان
 نظامنامه سنك تفسیری ده شورای دولته عائددر . حالبوكه خداوندكار والیكنه
 تعیین اولنان عزمی بكدن منحل قالان پروزه مبعوثلغنی ایچون دیگر برینك تعیینی
 ضمننده اولکی منتخب ثانیلرك امر انتخابی اجرا ایتملری مجلس مبعوثانجه تنسیب
 و اویولده ایفای معامله اولمشدر . شمدی استانبول ایچون مبعوث انتخابی شوتنسیبه
 استناد آینه اسکی منتخب ثانیلر مزه می اجرا ایتدیر یله جك یوقسه منتخب ثانیلرده
 یکیدن می انتخاب اولنه جقدر مسئله سی تحدث ایده جکدر . ا کر منتخب ثانیلر
 یکیدن انتخاب اولنقی لازمكلورسه تمام اوج آی مدت استانبولی یرندن قالدیران
 صندوق باطردیلرینه ، انتخاب کورولتورلرینه میدان ویر یله جکدر . افکار عمومی بی
 قارمه قارشیق ایدن شو تحریکات و تشوشات آره سنده منتخب ثانیلرك یکیدن
 انتخابی معامله سنك اجراسنك منافع مملکته نه درجه به قدر موافق دوشه جکفی
 ارباب عقولك محاکمه و تقدیرینه ترك ایدرز .

..

ایلك تنسیقات لایحه سی بوهفته مجلس مبعوثان مذاکراتنه داخل اولهرق
 ایچه کورولتورلر ایله استقبال ایدلدی . پوسته و تلغراف نظارتی تنسیقاتی حاوی
 اولان اشبو لایحه نك انهای مذاکره سنده نه لر سویلنمدی . ا کا بر مأمورینك
 ملت پاره سیله آت ، آرابه ، قوناق ، یالی ، جاریه دن استفاده سنه ملتك تحمل
 ایدمه جکی ، بدل سفاهت اولهرق پاره ویرمه جکی غایت حکیمانه اثبات
 ایدلکدنصکره مأمورلرك کوندلک مصارف حساب ایدلدی ؛ عربیه پاره سی يك

وساړه مصرفی اولق اوزره یومی یکر می ، یکریش غروشك نه دن كفايت ایتیه چکی و اوج درت او طهلی اولر طور رکن یالیرده کوشکلرده او طور مه نك نه دیمك اوله جنی ایضاح ایدلدی . آلفشاندی . برسی دها منصف طاوورانه رق اقتداری اولان آدمه نه قدر فضله معاش ویربلور ایسه او قدر کار ایدیه چکنی سویلدی ، نتیجه لایحه نك مالیه انجمنه حواله سنه قرار ویرلدی .

بو هفته ظرفنده قدس بطریق ایله سینود مجلسی آره سنده کی اختلاف . بدیل ائتلاف اولمش ایسه ده عربلرله روملر آره سنده کی فساد نه نایت ویرن شو ائتلاف نه استانبول بطریق خانه سنك و نه روجه غزه ترك هیچ ده خوشنه کیتامشدر . بطریق خانه شو عدم خوشنودتی رسمی غزه سیله نشر ایلدی کی بر علاوه ائتلاف واقعك متصرف و هیئت تحقیقه رئیس طرفندن کوستربلان تضییق شدید نتیجه سنده مجبوراً عقد و قبول ایلدی کی اعلانه قدر وارمشدر . حتی بو مسئله ده قوانین مذهبییه تعلق ایدن نقاط بولندی چی جهته بو باید بر قرار قطعی ویرمك اوزره سینود مجلسنك عقد ایلدی کی بر اجتماعه بطریق افندی ؛ ایکی بطریق لره اسکندریه بطریق و سینود اعضایی و بالعموم متروپولیدلر دن متشکل بر مجلسك عقدی تکلیف ایلمشدر . حالبو که اخبار اتزه نظراً هیئت بر مذهبه منسوب ایکی عنصر بیننده تشتت و نفاق و قوعنی منع ایچون تو طده بولمیش و اتخاذ ایتدی کی تدابیر حکیمانه سایه سنده هر درلو جدالك اوکنی آله رق ایکی طرف ده خوشنود ایلمشدر . هیئت اعضا سندن قسطا کی وایانی افندی سنك افاداتی ده بو مرکز ده اولوب شو بیانات اوزرینه سینود مجامعی قدس دن معلومات و ایضاحات مفصله المنذجه بر معامله یایلماسنه قرار ویرمشدر .

بو هفته قیصریدن آلمان خبرلر محل مذکورده امنیت و آسایشك اعاده اولندی چی مبشردر . اون بش کوندن بریدر قبالی قالدن دکانلر و مغازه لر اچیله رق آلیش ویریشه باشلانمش و بورادن کوندربلان عسا کر عثمانیه نك حضور و امنیق تأمین ایچون صرف ایلدی کی غیرت مشر اوله رق ارمنیلرک اندیشه لری زائل اولغه

بوز طومشدر. نمايشلرك مرتبلرندن بمضيلري اخذ وتوقيف ايدملشلر وبرطاقى ده
فرار ايلمشلردر. شمدى هر كس ايشيله كوچيله مشغول اوله رق موقوفنيك
نتيجه استجواباته تهالكه انتظار ايلمكده در. هيئت تحقيقه فعاليت تامه ايله
استجواباته دوام ايلمكده اولديغندن ارمجاعه يلتنان كروه خذله نك جزاى
سزاليينه چاريديريله رق ديكرلرينه عبرت مؤثره كوسترلسى آتيني تأمينه مدار
يكانه برچاره اوله جفنده شبه يوقدر.

يكن هفتة كي اجمال داخلیمزده برنبذه بحث ايلمش اولديغمز وجهله
بصره ده ونجده احوال بك زياده قارشمشدر. خصوصيله نجده غايت اليم
حادثه لر وقوعه كلكده در. نجدى ضبط ايله اوراسنى مقر حركات اتخاذايمك
املنده بولنان ابن السعود قبائل ساره رؤساييله اتفاق ايدرك نجد سنجاغندن
حركت ايدن عساكر عثمانيه به تعرضه باشلامش. عددلرى درت بش بيكي تجاوز
ايدن عربيان مملكتك خارجله ، ارتباط ومواصله سنى كسمشار. متصرفك مبادى
امداد طلبى اوزرينه درت طابور قدر عساكر عثمانيه سوق ايدلمش .
ابراهيم احسان

اجمال خارجى

يكن اجمالزده صربستان حكومتك معتدلايه ومسالمتهروانه حركت ايتمه
امالاهى ايچون دولترجه بلغرادده تشبثات مشتركه اجراسى تقرر ايتمك اوزره
اولديغنى خبر ويرمش ايدك. بر خيلى مذاكرادن صكره ويانه ده ايفاي تبليغات
اولتمسزين بلغراد حكومته وصايای لازمه اجراسى خصوصنده بين الدول اتلاف
حاصل اولمش اولقله برابر روسيه حكومتى دول ساره دن اول طاورانه رق
صربستانه وصايای لازمه ده بولدى. صربيلرك روس نوطه سنه ويرديكي جواب
حقنده آنان خبرلر يكديكرينه بك مياين ايدى. صربستاندن انتظار اولنان جوابك
تعويضات ملكيه مدعيانندن واز كچه جي وتسليه حانه نهايت ويرمجي مكرنده
اولمى مطلوب ايدى. حالبوكه ايلك خبرلر بونك عكسنى اشعار ايدبور ، قرالک